


3 Ұлттық ат спортының дамуы мүмкіндігі



4 Жаңа ғылыми идея мемлекеттік қолдауды қажет етеді



5 Сәдуақас Баймаханов кім болған?



6 Тектінің ұрпағы



Сыр бойы

Қызылорда облыстық қоғамдық-саяси газет • 1929 жылдың 1 шілдесінен шығады

26 ТАМЫЗ, бейсенбі 2021 жыл

e-mail: syrboyi@yandex.kz

www.syrboyi.kz

www.facebook.com/syrboyi.kz/

www.instagram.com/syrboyi_kz

https://twitter.com/syrboyi

t.me/syrboyi_kz

№130 (20204)



● ПРЕЗИДЕНТ

Жаңа жүйе нені көздейді?

Мемлекет басшысы Қасым-Жомарт Тоқаев Ауыл шаруашылығы министрінің міндетін атқарушы Ербол Қарашөкеевті қабылдады.

Қасым-Жомарт Тоқаевқа еліміздегі агроөнеркәсіп кешенінің қазіргі жағдайы мен саланы тұрақты дамытуға бағытталған жүйелі жұмыстар туралы баяндалды.

Ербол Қарашөкеев Президентті өсімдік шаруашылығын, соның ішінде суарысқа не дақылдарды өндіруді, саланы цифрландыру мен жерді игерудің нақты технологиясын енгізуді және тұқым шаруашылығының заманауи жүйесін құру жайында хабардар етті. Сонымен қатар, ведомство басшысы мал шаруашылығын дамыту, егістік пен жайылымдық даладағы өсімдіктер құрамының түрін анықтау үшін ғарыштық бақылау мен қашықтан зондауды қолдану жоспарымен таныстырды.

Қасым-Жомарт Тоқаевқа мемлекеттік қолдау шаралары мен субсидиялау тетіктерін жетілдіру, сондай-ақ ветеринарлық қызмет, аграрлық ғылым мен кадрларды даярлау жүйесін жаңғырту жұмыстары туралы айтылды. Саланы реформалаудың негізгі бағыттары 2021-2025 жылдарға арналған агроөнеркәсіптік кешенді дамытудың ұлттық жобасы аясында жүзеге асырылады.

Мемлекет басшысы кездесу соңында дайын өнім шығаруды дамытуға, егін жинау жұмыстарын уақытылы әрі сапалы ұйымдастыруға, алдағы қыста мал шаруашылығын азықпен қамтамасыз етуге бағытталған бірқатар тапсырмалар берді.

● ТАМЫЗ КЕҢЕСІ

Сынақты кезеңнен ширғып шығу қажет

2020 тарихта ерекше жыл ретінде есте қалғаны анық. Алқымнан алған індет көптеген салаға салқын тигізді. Әсіресе, білім беруде бұрын-соңды болмаған өзгерістер орын алып, қашықтан оқыту тәсілі қолданылды. Ол – мұғалімдер қауымына, ата-анаға үлкен сын болды. Телефон мен компьютерге телмірген оқушы мектептің қадірін ұғынды. Бірінші сынып оқушылары үшін ұстаздың жүзін көрмей, қарпін тану қиынның-қиыны болғаны да рас. Қысқасы, онлайн мен дәстүрлі білімнің айырмашылығы жер мен көктей екепін мойындадық. Қуантатыны, биыл балалар мектепке барады және эндидахуалға байланысты оқушылардың қауіпсіздігін қамтамасыз ету күн тәртібінде. Бұл туралы «Білімді ұлт – тұрақты даму кепілі» тақырыбындағы облыстық дәстүрлі тамыз кеңесінде жаңа жақты баяндалды.

Сб Мәлім ҚАЛЫМБЕТ, «Сыр бойы»

Дәстүрлі тамыз кеңесіне облыс әкімі Гүлшара Әбдіқалықова, Парламент Сенатының депутаттары Мұрат Бактиярұлы мен Ақмарал Әлнарарова, ҚР Парламенті Мәжілісі төрағасының орынбасары Байлаым Кесебаева, «Татар» коммерциялық емес акционерлік қоғамының вице-президенті Санажар Тәтібеков қатысты. Ы.Алтынсарин атындағы Ұлттық білім академиясының президенті Фани Бейсембаев пен Қызылорда қаласы және аудан әкімдері, аймақтағы білім беру ұйымдарының 400-ге жуық өкілі онлайн платформа арқылы қосылды.

Облыс әкімі алдымен Мемлекет басшысы Қасым-

Жомарт Тоқаев дәстүрлі форматта оқуға дайындықты қамтамасыз етуді тапсырғанын, бұған дейін өзі де облыстағы білім ошақтарын аралап, жағдайды саралағанын жеткізді. Салада жүзеге асып жатқан реформаларға тоқталды. «Педагог мәртебесі туралы» Заңның қарқын алғанын, мұғалімдердің санжауар қарсаңында өздерінің функциялардан босату бойынша шаралар қабылданғанын баяндады.

– Ел Тәуелсіздігінің 30 жылдығы қарсаңында өздеріңізбен дәстүрлі тамыз кеңесінде кездесіп отырмыз. Шараны алқалы жыны емес, білім саласының кешенді даму жоспарын айқындап, тың ой



мен ерекше идеяларды ортаға салатын алаң деп есептеймін. Көптен күткен сәт жетті. Биыл жаңа оқу жылында 294 мемлекеттік және 10 жеке мектепте 177 мың оқушы білім алмақ. Оның ішінде 1-сыныпқа 18 мыңнан аса бала қабылданады. Қазіргідей қиын кезеңде біз үшін әрбір баланың денсаулығы маңызды. Сондықтан облыстық білім басқармасына, барлық білім

ұйымдарында санитарлық талаптарды қатаң сақтауды тапсырамын. Оқу дәстүрлі форматта басталғанымен, қашықтан оқыту кезіндегі білім сапасы кемшіліктерінің орнын толтыру да назарда болуы тиіс. Соған сәйкес негізгі пәндер бойынша бытырғы қиын тақырыптарға көбірек сағат бөлініп, оқу бағдарламаларын түзетуге негіз беріледі.

2-бет

«Болашақтың» болашағы зор



Кеше облыс әкімі Гүлшара Әбдіқалықова «Болашақ» университетіндегі жаңа спорт кешенінің ашылу рәсіміне қатысып, оқу орнындағы жатақхана, жылыжай жұмыстарымен танысты.

Шараға «Болашақ» университетінің ғылыми жетекшісі, профессор, ұлттық ғылымдар академиясының академигі Бакберген Досманбетов, қала әкімі Ғанибек Қазантаев қатысып, университет кампусын аралады.

Жабық спорт кешенінің жалпы аумағы – 2260 шаршы метр. Ғимарат құрылысы өткен жылы жеке инвестиция есебінен салынған. Нысан ішінде шағын футбол, баскетбол, волейбол, гимнастика, бокс, күрес, ауыр атлетика, үстел теннис залы және бассейні қаралған.

Сондай-ақ, университеттегі жаңа жатақхананың лентасы қиылды.

Аймақ басшысы 444 орындық Назарбаев университеті үлгісінде салынған жатақхананы аралап, студенттерімен диалогтасты. Мұнда «Мемлекеттік және жергілікті басқару» мамандығының II курс студенті Камал Мейірхан вакцина салдырып, ұтыс нәтижесімен жатақхана төлеміне 50% жеңілдік алғанын жеткізді.

Мұнан кейін аймақ басшысы жаңа корпусының алдында салынып жатқан екінші жатақхананың құрылысын көрді. Жатақхана құрылысы 2022 жылдың қаңтар айында аяқталады.

Облыс әкімі университет алаңындағы конгресс-холдың құрылыс жұмыс-

тарымен де танысты. Алдағы уақытта мұнда дүкен, дәріхана, пошта бөлімшесі секілді студенттердің күнделікті өміріне қажетті нысандар салынады. Сондай-ақ, Гүлшара Әбдіқалықова университет жылыжайының жұмысымен танысты. Аумағы 2000 шаршы метрді құрайтын жылыжай сегіз бөліктен тұрады. Мұнда қияр, қызанақ, құлпынай, лимон секілді жеміс-жидек пен көкөністің бірнеше түрі өсіріліп, университет асханасында қолданылады. Облыс әкімі университет ұжымына сәттілік тіледі.

Айта кетейік, университет аумағында 1 оқу корпусы, 400 орындық жатақхана, конгресс-холл, студенттерге қызмет көрсету орталығы, кинотеатр, көрме залы, ашық спорт кешені, сауда ойын-сауық орталығы, тәжірибелік-өндірістік орталық, клиника, балабақша, дендропарк қарастырылған. Университетте 250 педагог 5000-ға жуық студент және магистрантқа білім береді.

● БАСПАСӨЗ ТУРЫ

Ауыл азаматымен ажарлы

Ауыл десе айналасына риясыз көңілмен қарайтын ақ пейіл адамдар көз алдына келеді. Ала таңнан тұрып, алқаптағы егісті бетке алатын диқан қауым алтын уақыттың әрбір сәтін қалт жібермейді. Айталық, ақпан айының ішінде көктемгі дала жұмыстарын бастап кететін олар ала жаздай аптап ыстықта егінді күтіп-баптап, күздің қара суығы түскенше жинап, қырманға тасып алады. Рас, бұрын бұл жұмыстардың басым бөлігі қол еңбегін қажет ететін, ал қазір заманауи техникалардың көмегімен егіншілердің бейнеті біршама жеңілдеді. Жыл сайын алынған өнім көлемі арта түсіп, шаруашылықтың табысы ұлғая бастады. Соның нәтижесінде егінші-механизаторлардың әлеуметтік жағдайы жақсара түскен.

Сб Ғазиза ӘБІЛДА, «Сыр бойы»

Жалағаш ауданы Таң ауылындағы «Таң ЛТД» ЖШС-ның бүгінгі тыныс-тіршілігімен танысқанда осындай жемісті еңбектің күәсі болдық. Жалпы серіктестік қарамағында 375 адам еңбек етеді. Техника паркі жаңартылған, ең алғаш 400 гектардан бастаған серіктестік бүгінде 4

мың гектарға егін егеді. Оның негізгісі күріш, қалғаны майлы дақылдар мен бақша өнімдері. Сонымен қатар, шаруашылықта жас мамандарға жасалып отырған қолдау ерекше.

6-бет

● МЕЗГІЛ МӘСЕЛЕСІ

Балаңыз қараусыз қалмасын!

Ішкі істер министрлігінің мәліметі бойынша былтыр елімізде 105 бала көпқабатты үйдің терезесінен құлаған. Окінішке қарай, 18 бала мерт болса, 87 бала ауруханаға жатқызылған.

Сб Сара АДАЙБАЕВА, «Сыр бойы»

Үрейді ұшыратын түрлі дерек бар. Осының бәрін саралай келгенде ең басты жауапкершілік, әрине, ата-анаға тиесілі. Себебі, жазатайым жағдайдың көпшілігінде балалар үйде үлкендердің бақылауына қалады екен. Тіпті, ата-ананы жауапқа тарту туралы да пікірлер айтылуда.

6-бет

ҚАЗАҚСТАН ТӘУЕЛСІЗДІГІНЕ

30 ЖЫЛ



26 ТАМЫЗ

• 1998 жылы Тараз қаласындағы Тараз мемлекеттік университетінің алдына ұлы тарихшы, шығыстанушы, ойшыл, ақын, қолбасшы Мұхамед Хайдар Дулатиге ескерткіш орнатылды.

• 2005 жылы Алматыда Қазақстан Республикасы Конституциясының 10 жылдық мерейтойына арналған жаңа көркем пошта маркаларының таныстырылымы болып өтті. Пошта маркасында Қазақстан Республикасы Конституциясының 10 жылдығын тойлау рәсімі бейнеленген.

• 2011 жылы Астанадағы Ұлттық теннис орталығына Азия теннис орталығы дәрежесі берілді. Енді әлемде екі Азия теннис орталығы бар, біреуі – Бангкокта, екіншісі – Астанада.

• 2013 жылы Астанада жоғары білім беру мәселелері бойынша қазақстандық-малайзиялық жұмыс тобының бірінші отырысы өтті.

27 ТАМЫЗ

• 1992 жылы Қазақстан Республикасы мен Армения Республикасы арасында дипломатиялық қарым-қатынас орнатылды.

• 2009 жылы ҚР Тұңғыш Президенті – Елбасы Нұрсұлтан Назарбаев «2010 жылдан 2020 жылға дейінгі кезеңдегі Қазақстан Республикасының құқықтық саясатының тұжырымдамасы туралы» Жарлыққа қол қойды.

• 2012 жылы Астанада «Ядролық сынаққа тыйым салудан ядролық қарудан азат бейбітшілікке» атты халықаралық конференция өтті.

• 2013 жылы ҚР Ұлттық банк номиналы 500 теңгелік Ұлттық валютаның енгізілуіне 20 жылдыққа арналған естелік монета айналымға шықты.

• 2013 жылы «Қазғарыш» делегациясы Ресейде өткен әлемдегі ірі форумдардың бірі «МАКС-2013» авиаторумына қатысты. «МАКС-2013» аясында «Қазғарыш» делегациясы ресейлік, украиндық әріптестерімен бірқатар іскерлік кездесулер өткізді. Ғарыш саласындағы одан әрі ынтымақтастық талқыланды.

